

nostris^{et} et quinque alios optimos pedites. Videns autem Comes quod Faventinis non succedebat prospere, suo vexillo sumpto propria manu, nostris festinus succurrit [a], quibus et audaciam reddidit [b] et inimicos, post caedes multas et vulnera, in civitatem recludi coegit. In hac quidem die, facta est plaga satis magna utriusque. Reversi igitur domum, domino Comiti viri et mulieres gratias reddebant immensas; qui, in jam dicto periculo et aliis multis, suis dignatus est succurrere amicis atque subiectis. In hac siquidem [c] guerra habuerant Faventini cccL equites.

Nota tenorem pacis
Pax et concordia [d] inter Faventinos et Amolenses (57).

CAP. L.

In fine^{o b} autem anni [e] per Dei gratiam, inter nos et hostes facta est pax et concordia, ita siquidem, quod Amolenses foveas et muros atque munitiones omnes, quae erant circum civitatem, destruxerunt penitus; omnes forenses, quos per litem^{post} motam receperant, expulerunt; duo pallia Ecclesiae Faventinae et solidorum valentia [f], et totidem Ecclesiae Bononiensi annis singulis in perpetuum dare juraverunt; totum districtum Faventinis et Bononiensibus aequaliter concesserunt, quibus etiam civitatem, ad obediendum et, pro eorum voluntate, pacem et guerram faciendam, tradiderunt omnino [A].

Quando accensus est ignis in domo Girardini [g] de Farulfo [B].

CAP. LI.

Sub anno Domini MCL primo, in mense Augusti, in vigilia sancti [h] Bartholomei apostoli, accensus est ignis in domo Guirardini de Farulfo [i], qui matricem Ecclesiam et totam prorsus combussit civitatem.

* Credo, quod iste Girardinus de Farulfo fuerit de Farulfo de Marciano de Faventia. add. in margine. m. saec. XVI in 1.

— [a] nostris festinus succurrit, Cl. Mitt. In C. M., nostris festus succurrit; in C. A., nostris fessis succurrit. — [b] quibus et audaciam reddidit, Codd. V. et M.; alii, pro reddidit, legunt addidit. — [c] In hac siquidem, C. M. In C. V., in hac quidem. — [d] Pax et concordia etc. Titulus additus a nobis, quia deerat in Codd. Distinguendum porro credidi suo titulo caput hoc, tum quia textus Manfred. incipit a capite, litera majuscula et rubra, ut adhiberi solet ab auctore in principio capitum, tum quia in eodem se diversa omnino a superioribus re agitur. — [e] In fine autem anni, C. V. In C. M., in fine autem anno. Non, ut Tondutius putat, altero anno. — [f] c. solidorum valentia. Sic. Codd. — [g] in domo Girardini, C. V. In C. M. deest in domo. — [h] in vigilia sancti, C. V. In C. M., vigilia sancti. — [i] Guirardini de Farulfo, Codd. V. et M. Supra habent Codd. Girardini de Farulfo. Nota varietatem idem nomen efferendi.

[A] In hoc capite fere eadem repetuntur, quae dicta sunt in capit. xxvii et xxxiv. Gregor. Zuculus in vers. Ital. haec omnia sub annum unum MCLVIII redegit, nulla diversorum temporum habita ratione.

[B] Apud Tondutium, ad ann. MCLV, in charta quadam ibi allata, memoratur Gerardinus Farulfo. Item in alia, ad ann. 1168.